

NEWSLETTER YA DITHO

KGATISO EA BOHLANO | NOVEMBER 2024



Setho se Ratehang

Ha re ntse re atamela bofelong ba 2024, re tlameha ho nahana ka selemo se bileng thata le se putsang - eseng feela bakeng sa Letlole, empa bakeng sa e mong le e mong wa rona ka bomong, le bakeng sa naha ya rona ka kakaretso. E se e le selemo se tshwailweng ka ho hloka botsitso, empa hape le ka mamello e makatsang, tshebedisano mmoho le tswelopele.

Letloleng lena, re leboha haholo ka tshepo eo re e fumaneng ho tswa ho lona, ditho tsa rona le selemo sohle. Re entse diphetoho tse kgolo le ho sebetšana le mathata a mangata, leha ho le jwalo hammoho re atlehile haholo.

Katleho ya rona ho fihleng mehato ya bohlokwa e ka be e sa kgonahala ntle le tshebedisano e sa thekeseleng ya bankakarolo bohle ba rona - ditho, bahiri, baemedi ba dibaka, le basebetsi.

Ha re ntse re nahana ka seo re se finyeletseng, re batla ho fetisetsa diteboho tsa rona tse tswang botebong ba pelo ho wena ka ho re kgetha re le Letlole la boikgethelo ba hao. Tshepo ya hao le boitlamo ba hao ke tsona tse re susumelletsang ho dula re hahamalla ditshebeletso tse molemo le mekgwa e metjha.

Tse ding tsa dikatleho tsa Letlole ka 2024 di kenyelletsa:

1. HO KETEKI DILEMO TSE 35

Ka Phuptjane, Letlole le ile la keteka selemo sa yona sa bo 35 - ketsahalo ya bohlokwa e totobatsang matla a nalane ya rona le tshepo eo re e ahileng nakong ya mengwahashome e fetileng. Re leboha tshehetso e tswelang pele ya ditho tsa rona le bahiri, mme re lebeletse kgaolo e latelang ya leeto la rona.

2. TSHEBETSO YA TSAMAIISO YA MEKOTLA E MMedi YA HO BEHA MEJAFATSHE – KATLEHO E HLOLLANG

Ho thakgolwa ha Tsamaiso ya Mekotla e Mmedi ya ho Beha Mejafatshe e bile phetoho e kgolo indastering ya letlole la ho beha mejafatshe ka kakaretso. Ha re kena sebakeng se sa tsejweng, re motlotlo ho bolela hore re phethile diphetoho tsa Tsamaiso ya Mekotla e Mmedi ya ho Beha Mejafatshe ntle le mathata. Dihlopha tsa rona di sebeditse ka thata ho itokisetsa le ho netefatsa hore di itokisitse ka botlalo ka la 1 Lwetse 2024. Ho tloha ka la 27 Pudungwana 2024 re tlalehile ditleleimi tse 51799, mme re se re sebeditse le ho lefa ditleleimi tse 50990 ho fihlela jwale, tsa boleng ba R932 ya dimilione ka ditleleimi tse 809 feela tse saletseng morao. Re nka sena e le katleho e kgolo le e tsotehang.

Ha Tsamaiso ya Mekotla e Mmedi ya ho Beha Mejafatshe e se e le teng, mme e tla dula e le teng, re ntse re eketsa tshebetso ya rona ya ho etsa ditleleimi ho etsa hore ho be bonolo le ho feta ho ditho tsa rona. Re hlahisitse tsamaiso ya ditleleimi inthaneteng ho ntlafatsa ditshebetso tsa ho etsa ditleleimi. Ka kopo, bala tokomane ya [“Tsamaiso ya Ditleleimi Inthaneteng”](#) bakeng sa tlhahisoleseding e batsi mabapi le hore na o ka ingodisa jwang. Di-platform tse ding tsa dijithale di tla hlahiswa ho tloha ka 2025.

Ka kopo hlokomela hore ho tloha ka la 1 Tshitwe 2024, Letlole le fokotsa palo ya baeletsi ba Tsamaiso ya Mekotla e Mmedi ba emisitsweng merafong ka bomong. Ho tla fokotseha bokgoni kapa tshebeletso, mme sena se susumetswa ke dintlha tse pedi tsa bohlokwa: (a) baetsa-ditleleimi ba fokotsehileng haholo le; (b) ho laola ditshenyehelo. Ho ena le hoo, baeletsi ba tla be ba etela merafo ka ho fapanyetsana ho fana ka tshehetso.

Tsamaiso ya ditleleimi inthaneteng e tla tswelapele ho sebetsa hammoho le tshebetso

ya matsoho ho fihlela tsebiso e nngwe. Nakong ena, baeletsi ba Tsamaiso ya Mekotla e Mmedi ba tla be ba thusa ka ditleleimi ka ho fapanyetsana merafong e fapaneng. Tokisetso ena e tla sebetsa ho fihlela ka la 13 Tshitwe 2024, ka mora moo baeletsi ba Tsamaiso ya Mekotla e Mmedi ba tla nka kgefu mme ba tla kgutla ka la 2 Pherekong 2025. O ntse o ka kenya ditleleimi inthaneteng ka ho latela mokgwa o boletsweng kgatisong ena..

3. DI-ROADSHOW TSA MELEMO ESO KENYETSWE DITLELEIMI

Melemo eso kenyetswe ditleleimi ke ditleleimi tsa bao e kileng ya eba basebetsi ba morafong ba sa kang ba etsa tleleimi e jwalo kapa ba sa leshwang nakong ya dikgwedi tse 24 ka mora hore tleleimi e jwalo e lefellwe. Bongata ba melemo e sa kenyetswang ditleleimi ya Letlole lena e ile ya bokellwa nakong eo Letlole le neng le tsamaiswa ke batsamaisi ba S13B. Ke ka lebaka lena palo e kgolo ya dikopo tsena e fetang dilemo tse 15 kapa ho feta. Letlole le qadile ho itaola ho tloha ka 2011.

Ho tloha mehleng ya ho itaola, Letlole le tsetetse boiteko bo matla mabapi le mananeo a ho fihlisa ditshebeletso ho ba sa kgoneng ho di fihlella bakeng sa melemo e sa kenyetswang ditleleimi.

Selemong sena, Letlole le nkile mehato ya bohlokwa ho sebetsana le melemo e sa kenyetswang ditleleimi, e leng sebaka seo ho tsepamisitsweng maikutlo ho sona ho tswa morerong wa leano lena.

Re ile ra etsa di-roadshow tse pedi tse nang le tshusumetso Mozambique ka Phupu, le roadshow ya lehae Westonaria, Carletonville, le Matlosana ka Pudungwana ena. Re fumane bajalefa ba 1,468 ba nang le melemo e sa kenyetswang ditleleimi Mozambique, mme ditleleimi tse 341 di sebeditswe ka botlalo, tse 173 tsa leshwa hanyenyane, tse 527 tsa fuwa Tracers mme tse 427 di ntse di sebetswa. Ho roadshow ya lehae, re fumane batho

ba 87 bao e ka bang bajalefa, ra sebetsana le ditleleimi tse 30, mme tse 57 di salletse morao.

Boiteko bona bo ntse bo tswela pele ho ba ntho e tlang pele bakeng sa Letlole ha re ntse re leka ka matla ho netefatsa hore bao e kileng ya eba basebetsi ba morafong le bajalefa ba bona ba fumana se ba lokelang. Ka 2025, Letlole le se le ntse le rera mananeo a melemo a sa kenyetswang ditleleimi bakeng sa Botswana le eSwatini. Ho tla eketswa le roadshow ya lehae.

4. HO EKETSWA HA MELEMO YA LEPATO

Re utloisisa khatello ya ditjhelete eo ditshe-nyehelo tsa lepato di ka e behang malapeng, ke ka lebaka leo re thabelang ho le tsebisa ka keketseho ya melemo ya lepato ho tloha ka la 1 Pudungwana 2024. Melemo e eketseha ho tloha ho R60,000 ho ea ho R80,000 bakeng sa ditho, balekane le bana ba pakeng tsa dilemo tse 14 le 25. Keketseho ena e tiisa hore diphallelo tse ngata tsa ditjhelete di fumaneha nakong e thata, ho fa ditho tsa rona kgotso e kgolo ya kelello. Leha melemo e ntse e eketseha, tefiso ya kotsi ya lepato e dula e tshwana.

Ditho tse tlohetseng mosebetsi le tsona di tlameha ho hopola ho bokella ditifikeiti tsa melemo e lefilweng ya lepato merafong ya tsona/Letloleng la tsona.

Re Lebelletse Pele ho 2025

Ha re ntse re nahana ka 2024, re se re lebelletse pele ho 2025 ka thabo le boikemisetso. Re rera ho fumana dintlafatso tse ding ho pholletsa le Letlole, ho kenyeletswa di-platform tse ngata tsa dijithale ho ntlafatsa boiphihlelo ba ditho, le diporojeke tse ding tsa ho netefatsa hore ditlhoko tsa ditho tsa rona di fihlelleha ka katleho le tlhokomelo. Re lebeletse pele selemo se seng sa tswelopele le kgolo ka 2025..

HO KWALWA HA OFISI HA QETELLO YA SELEMO SA 2024 HA SELEMO LE SELEMO

Ka kopo hlokomela hore ntlo kgolo ya Letlole, ditsi tsa ho tsamaya, le dikantoro tsa EBS, di tla kwala ka la 23 Tshitwe 2024 le ho bulwa ka la 2 Pherekong 2025. Ka kopo etsa bonnete ba hore ditaba dife kapa dife tse potlakileng di rarollwa pele ho nako ena ya ho kwala.

Ke le lakaletsa bohle nako e monate ya mokete le Selemo se Setjha se atlehileng!

Ka boikokobetso

Frans Phakgadi

Mohlanka e Moholo le Mohlanka e Moholo wa Phethahatso wa Nakwana



Ho Qalwa ha Tsamaiso ya Ditleleimi Inthaneteng Bakeng sa **Karolo ya Tjhelete eo o e Bolokileng**

Tsamaiso ya ditleleimi inthaneteng bakeng sa karolo ya tjhelete eo o e bolokileng ya tsamaiso ya mekotla e mmedi ya ho beha mejafatshe e se e fumaneha. Tsamaiso ena e ncha inthaneteng e tla tsamaisana le tsamaiso ya ho etsa ditleleimi ka matsoho ho fihlela ho etswa tsebiso e nngwe.

Seo O Lokelang ho se Etsa



1. **Etela Webosaete ea MWPF:** www.mwpf.co.za.



2. **Kgetha "Member Login"** ho menyu e kahodimo.



3. **Kenya lebitso la mosebedisi le phasewete ya nakwana** e rometsweng ho wena ke MWPF ka SMS.



4. **Tobetsa ho "Login."**



5. **Ntjhafatsa Tlhahisoleseding ya Hao:** Kenya nomoro ya hao ya ID, nomoro ya selefouno, mme o thehe phasewete e ntjha.



6. **Kgetha "Accept"** ho phethela ngodiso.

Mehato ya ditleleimi inthaneteng bakeng sa Karolo ya Tjhelete eo o e Bolokileng ya Tsamaiso ya Mekotla e Mmedi

01

Etela
Webosaete
ea MWPF:
www.mwpf.co.za.



02

Kgetha
"Member Login"
ho menyu e
kahodimo.



03

Kenya lebitso
la hao la
mosebedisi le
phasewete e ntjha
eo o e thehileng.



04

Tobetsa ho
"Login."



08

Hlahloba
Tjhelete ya Hao
eo o e Bolokileng
Sekerining sa
Market Value
Screen.



07

Hlahloba/
Ntlafatsa Nomoro
ya Hao ya Lekgetho
Sekerining sa
Member Information
Screen.



06


Kgetha
"Withdrawal
Two Pot"



05

Kgetha
"Saving
Withdrawal".





Ho Sebedisa Tjehele ka Bohlale Bakeng sa Nako ya Mekete

Ha nako ya mekete e ntse e atamela, ho ka ba bonolo ho tsh-waswa meketeng le ho sebedisa tjehele e ngata ho feta tekano. Amma Amparbeng, CFO ya MWPF, o fana ka keletso e sebetsang mabapi le ho sebedisa tjehele ka bohlale ha o ntse o nahanisisa ka mathata le menyetla ya moralo wa ditjehele.



Amma o arolelana malebela a bohlokwa ho o thusa ho natefelwa ke sehla ka boikarabelo:



"Rera Esale Pele: Eba le kopano ya lelapa ho beha tekanyetso ya ditjehele le ho beha ditshenyehelo tsa hao pele. Dula fatshe le baratuwa ba hao ho rera ditshenyehelo. Sena se tiisa hore bohle ba dumellana mme ba etelletsa pele seo e leng sa bohlokwa. Ka mohlala, ditefiso tsa sekolo, dintho tsa ho ngola, junifomo ya sekolo le litshenyehelo tsa dipalangwang tsa mosebetsi.



"Sebedisa Tjehele feela ho Seo O Ka se Kgonang: Reka seo o se hlokanang mme o ka se kgona. Qoba kगतello ya ho bontsha hore o na le tjehele e kaalo ka batho ba bang." Qoba ho sebedisa tjehele ka mokgwa o feteletseng. Tsepamisa maikutlo ho theko e nang le moelelo ka hara tekanyetso ya hao. Sebedisa tjehele eo o e bolokileng ho tswa tshebedisong ya tjehele ya mokete ka bohlale, o etelletse pele dintho tse hlokalang ho feta tseo o di batlang.



"Qoba Sekoloto: Lefa ka tjehele ya kontane neng kapa neng ha ho kgoneha ho thibela kगतello ya ditjehele selemong se setjha." Ho sebedisa tjehele ya kontane bakeng sa ho reka ho fana ka kutlwisiso e hlakileng ya hore na o sebedisa bokae mme ho thibela tshebediso e feteletseng ya tjehele e bakwang ke boiketlo ba diakhaonte tsa mokitlane kapa tsa lebenkele.

Le hoja nako ya mekete e le nako ya ho keteka, ke habohlokwa ho qoba ho kena ka hara tjelele ya nako e telele bakeng sa ditlhoko tsa nakwana. Amma o a hlalosa, "Ho itokolla polokelong ya hao ya ho beha mejafatshe ho lefella ditshenyehelo tsa mokete ho ka beha bokamoso ba hao kotsing. Ditjhelele tse na di reretswe maemo a tshohanyetso kapa ho beha mejafatshe, eseng ho boloka maemo a bophelo."

Malebela a Tlatsetso:

- 1 Malebela a Tlatsetso: Theha lethathamo la dimpho esale pele ho qoba ho reka dintho ka tshohanyetso. Batla ditheolelo dinthong tseo o di rerileng, ho fapana le ho reka motsotsong wa ho qetela ka ditshenyehelo tse hodimo.
- 2 Qala moralo wa ho boloka tjelele bakeng sa mokete qalong ya selemo se seng le se seng, ka ho boloka tjelele e nyenyane kgwedi le kgwedi. Ka Tshitwe, o tla be o na le tjelele e behelletsweng ka thoko bakeng sa mekete ntle le ho ama tjelele eo o e boloketseng nako e telele.




Qetellong, Amma wa re hopotsa, "Mekete ha ya tlameha ho etsa hore re sebedise tjelele e ngata ho feta kamoo re ka kgonang. Ka ho lekalekanya tshebediso ya tjelele le moralo o nahannweng hantle, o ka natefelwa ke mekete ha o ntse o itokisetsa 2025 e sireletsehileng."

Ha re ntse re nahanisisa ka selemo mme re itokisetsa mekete, a re ke re ketekeng ka boikarabelo re ntse re hopotse dipakane tsa rona tsa ditjhelele. Ka moralo o hlokolosi, nako ya mekete e ka ba e thabisang le e se nang khatello ya ditjhelele.



RE LATELE HO DI-PLATFORM TSA RONA TSA SOCIAL MEDIA

Bakeng sa diupdate tsa kgafetsa ka ditaba tse amanang le Letlole, re latele ho di-platform tsa rona tsa social media tse ngotsweng ka fatshe.

-  Facebook: @mineworkspf
-  Instagram: @mineworkers_pf
-  WhatsApp: 071 887 6515

Boipolelo ba ho se jare boikarabello: Tsebisano ea ho fanwang ka yona ngolotabeng ena e sireleditswe ka melao e amehang ya intellectual property mme e ke ke ya kopiswa, ya ajwa kapa ya fetolelwa ka mabaka a ho etsa kgwebo. Le ha ho entswe matsapa a ho netefatsa hore tsebisano e kentsweng mona e kgema le dinako, ha e na le leeme ebile e nepahetse, hona ho ke ke ha tiisetwa. Tshebediso ya lesedi lena ke motho wa boraro e tla ba qetong ya motho wa boraro mme ke lebitsong la bonnete ba ditaba tse na feela. O koitjwa ho ela hloko hore haeba dikahare tsa ngolotaba ena ha di dumellane le Melao ya Letlole, ho tla latelwa Melao. MWPF ha e amohele.